



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
OPĆINSKO VIJEĆE**

Broj: 01- /20
Datum, 2020. godine

PRIJEDLOG

Na osnovu člana 1. Zakona o dopunama zakona o koncesijama ("Službene novine FBiH", broj: 61/06), člana 8. Zakona o principima lokalne samouprave ("Službene novine FBiH", broj:49/06) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj _____sjednici, održanoj _____2020. godine, donosi

ODLUKU

o davanju saglasnosti za dodjelu koncesije

Član 1.

Daje se saglasnost na mogućnost dodjele koncesije na istraživanje i eksploataciju mineralnog resursa - vode na lokalitetu Dolac, općina Tešanj, na parceli označenoj kao k.p. broj: 1838 zvana „Delička”, Raduša - upisana u ZK uložak br. 2537 k.o. Raduša površine 2.510 m².

Član 2.

Odlukom o provođenju prostornog plana općine Tešanj („Sl.glasnik Općine Tešanj“, broj: 2/00 i 7a/09) katastarska parcela broj: 1838 k.o. Raduša, nalazi se izvan planom utvrđenih urbanih područja a članom 7. definisani su uslovi pod kojim je dozvoljena izgradnja unutar “neobrađive poljoprivredne površine” i zone zaštite mineralnih voda.

Član 3.

Prilikom provođenja procedure dodjele koncesije, zaključivanja ugovora o koncesiji te adekvatnim nadzorom, potrebno je ispoštovati odredbe Zakona o koncesijama.

Član 4.

Ova odluka stupa na snagu narednog dana od dana objave u "Službenom glasniku Općine Tešanj".

PREDSJEDAVALJUĆI VIJEĆA

Subašić Senad, dipl.ecc.

Obrazloženje

PRAVNI OSNOV

Mogućnost dodjele koncesije na istraživanje i eksploataciju mineralnog resursa - vode na lokalitetu Dolac, općina Tešanj, sadržan je u članu 1. Zakona o koncesijama ("Službene novine FBiH", broj: 40/02, 61/06) i člana 8. Zakona o principima lokalne samouprave ("Službene novine FBiH", broj:49/06).

Obrazloženje

U realizaciji procedure dodjele koncesije, Kantonalno ministarstvo za poljoprivredu, šumarstvo i vodoprivredu Zenica, u skladu s odredbama Zakona o koncesijama i Zakona o principima lokalne samouprave, na osnovu kojih Općinsko vijeće Tešanj ima nadležnost da vrši politiku upravljanja prirodnim resursima i raspodjelom sredstava ostvarenih na osnovu njihovog korišćenja na teritoriju koji je definisan općinskim granicama, zatražilo je svojim aktom broj: 05-21-04338-1/20 od 16.06.2020. godine saglasnost za dodjelu koncesije.

Ministarstvo je zaprimilo samoinicijativni zahtjev za dodjelu koncesije sa izvorišta "Dolac" Raduša, općina Tešanj na parceli označenoj kao k.p. broj: 1838 zvana „Delička”, Raduša - upisana u ZK uložak br. 2537 k.o. Raduša upisana u korist "Tešanjski kiseljak" d.o.o. Tešanj sa dijelom 1/1, površine 2.510 m².

Na predmetnom lokalitetu su izgađeni objekti za potrebe eksploatacije i proizvodnje vode od strane ranijeg koncesionara. Prometom nekretnina kao novi vlasnik upisano je privredno društvo "Tešanjski kiseljak" d.o.o. Tešanj, čiji su osnivači "AS HOLDING" d.o.o. Tešanj i "OAZA" d.o.o. Tešanj. Kako je sa prethodnim koncesionarom raskinut koncesioni ugovor, potrebno je provesti novu proceduru dodjele koncesije.

Prije pokretanja postupka dodjele koncesije, Ministarstvo je dužno pribaviti saglasnost lokalne zajednice na postupak provođenja koncesije. Uz zahtjev Ministarstva za davanje saglasnosti na dodjelu koncesije, dostavljena je:

- Kopija zahtjeva podnosioca od 06.09.2017. g.,
- Studija ekonomske opravdanosti zahvatanja mineralne vode iz postojećih objekata i uređaja, sačinjenu od strane "Tešanjski kiseljak" d.o.o. Tešanj, iz juna 2020. godine.

U redovnoj proceduri pripreme Odluke, Služba za finansije, privredu, komunalne i inspeksijske poslove obezbijedila je:

- Rješenje o registraciji "Tešanjski kiseljak" d.o.o. Tešanj;
- Zemljišno knjižni izvadak;
- Mišljenje Službe za katastar, urbanizam i imovinsko-pravne poslove broj: interno/20 od 22.06.2020. godine;
- Mišljenje Savjeta MZ Raduša broj: 25-4-47/20 od 22.06.2020. godine.

OBRADIVAČ

Služba za finansije, privredu, komunalne i inspeksijske poslove

Hamzalija Hojkurić, dipl.oec.



PREDLAGAČ

OPĆINSKI NAČELNIK

Mr. Sc. Suad Huskić, profesor

Broj: 02-21-1-1206/20

Dana: 22.06.2020. godine